

مجموعه سنون

۱۸

جمعیت علمیه عثمانیه

در این کتاب مجموعه کتب و دستاویزهای علمی و ادبی
مجموعه علمیه عثمانیه گردآوری شده است که در
کتابخانه جامع عثمانیه نگهداری می شود.
این مجموعه شامل کتب و دستاویزهای علمی و ادبی
است که در کتابخانه جامع عثمانیه نگهداری می شود.

نسخه پاره

نومرو ۸

ماه شعبان

در این کتاب مجموعه کتب و دستاویزهای علمی و ادبی
مجموعه علمیه عثمانیه گردآوری شده است که در
کتابخانه جامع عثمانیه نگهداری می شود.
این مجموعه شامل کتب و دستاویزهای علمی و ادبی
است که در کتابخانه جامع عثمانیه نگهداری می شود.

استان بول

وزیر خاتمه ارزنجانلی اوغلو میانسبان آرین

مطبعه سنده طبع اولمشد

۱۲۷۹

ایدنلره مکافات تخصیص قلمسی و خلاصه جانب حکومته تبلیغی لازم کلان کیفیاتک اختطاریله برابر بوباید خلعجه دخی هر درلو تشویقات و ترغیبات اجرایی خصوصاً لرینه مجلس طبعیه طرفندن همت اولنور ایسه و ظائف ترتبه سنی ایفا ایله برابر مدنیت و انسانیتیه بیسوک بر خدمت ایتش اوله رق جمله نك تشکر و ممنونیتیه مظهر اوله جغی درکاردر

(قدری)

(دار الفنون درسری)

دار الفنونده کشاد اولمش اولان حکمت طبعیه درسی دوام ایدوب عامه طرفندن دخی حسن تلقی و تدریسه اقدام اولمقده در هر دفعه سنده وکلای عظام و مأمورین کرام سلطنت سنده دن خیلی ذوات تشویقاً للعموم درس مذکور استماعنه رغبت بیوردقلری مثللو ماه حاکم اوچخی بازار ایرتسی کونی ذات والای سپهسالاری ایتلو دولتلو فواد پاشا حضرتلری دخی تشریفه همتله درسک ختامنده حکمت طبعیه جدیده نك درجه اعتبار و اهمیتنی بیان و مدرس پاشا حضرتلرینک شو همتلرینی ثنا و استحسان معرضنده اتی الذکر مقاله بلیغه یی ایراد و اتیان بیورمشلردر «حق تعالی حضرتلری رب العالمین اولدیغندن نعم و احسانی کافه عبادینه شامل اولدیغی کبی دولتک وظیفه سی دخی هر کونه نعمتی کافه تبعه سنده منساویاً و تعمیماً ایصال ایلکدر اک بیوک نعمت علم و معرفت اولدیغندن بونک بو صورتله دخی نشری ضمیمه وقوعبولان هم سینه

ایچون

ایچون بک بیوک تشکر لایتنیز بوراده تدریس و تعلیم اولنان فیه حکمت طبیعه دینور ایسده حقیقته حکمت الهیه در زیر ایزم عجز مزك بيله بيله چکی مرتبه معرفت الهیه بی کوستر حکمت بوکا بر آت و واسطه اولوب حکمت قدیمه ایله حکمت جدیده نك فرقی ایسه یلکن بکسیله واپورک فرقی کبیدر صکره کی ایله منزل مقصوده دها ازمانده مواصلت اولنور بونی تدریس همت ایدن ذاته دخی مخصوص تشکر ایدرز کندوزی مراتب عالیہ دولتن بر درجه رفیعده بولندقلری حالده رتبه العلم اعلى الرتب اثرینی قعلا کوستر مشلردر واسکی وقتلرده مراتب عالیده بولنان اکا بر علما خدمات رسمیه یی ترک ایتدکلی وقت مدارسده نشر علوم ایلدکلی معلوم اولدیغندن انلرک اثرینه اتباع ایلشلردر»

معلوم اولدیغی اوزره درس مذکورک کشادی مشار الیه حضرتلرینک هنکام صدارتلرنده منصفه پیرای ظهور اولان آثار خیریه دن بریسی اولوب بو وجهله دخی وقوعبولان همتلری برقا دها جای تشکر و محمدمت بولمشلردر

ماه حاکم یکریمی اوچنچی پنجشنبه کونی ذات والای صدارتنهای دخی تنزلاً تشریفه همت و بو وجهله کرک مدرس و کرک مستمعینی حائر نصاب فخر و مسرت یورمشلردر

مقدما آرزو ایتدیکمز وجهله بودفعه اصحاب اهلیت و اقتداردن بعض ذوات مشار الیه درویش پاشا حضرتلرینک اثرینه اقتفا ایلشلردر دیوان محاسبات رئیس عطوفت لواحد و فبق افندی حضرتلری تاریخ عمومی و مجلس تحقیق رئیس سعادت الو صالح افندی حضرتلری دخی علم موالید درساری اعطاسنه نیت ایدرک وقوعبولان استدعای

اوزدینه اراده سنی حضرت پادشاهی دخی شرفعلی بیورمش اولمغله
ماه حالك یکریمی التنجی جمعه ایرتسی علم موالید و فرداسی بازار کونی
تاریخ عمومی درسند بدأ و مباشرت قلنمش و اشبو درسدره دخی ایکی
اوجوز قدر مستمع حاضر بولنوب کمال رغبت و دقت ایله استماع اولمغشدر
مشار الیهما حضراتنک ایکبسنک دخی اهلیت و اقتدارلری مسلم اولوب
بالخصوص تدریسی در عهده بیورمش اولدقلری فنونده ید طوللاری
بولدیغندن شو امر خیرک حسن ایفاسیله بین العموم نشر انوار علم
و عرفانه موفق اولدجقلری مجزومدر

وکلا و مأمورین سلطنت سنیه محمول دوش همتلری اولان بارکران
مأموریدن فضله اوله رق عزت و ذلتلری کندولرینه عائد اولان
صنوف تبعه شاهانه نک توسیع دائره معلوماتلری حقنده بو وجهله
بعضلری بالذات تدریس ایله اختیار کلفت و بعضلری مجرد عامدیه موجب
شوق و غیرت اولق اوزده استماعند رغبت بیورملری طوغریسی یقین و قنلرده
امثالی نامسبق بر حرکت پرفیض و مسعدت اولدیغنی درکاردر

اشبو تشبثات خیریه نک مملکت حقنده نه درجه فوائد عظمایی منتج
اولدجغنی شویله طورسون شو حال الیوم سرکارده بولنان ذواتک
علی العموم علم و عرفان صاحبی و یاخود محب و طالبی اولدیغنه دال
اولوب بو دخی جله من حقنده موجب ممنونیت اوله جق بر نعمت
جلبله در چونکه شو زمانده اعصار سابقده اوله ییلدبکی مثالو اداره
امور دولت یدنا اهل جهلاده قاله محبوب مطلقا بعض فنون متنوعده
و بالخصوص اصول اداره ملکیه و مناسبات دولیه مطلع ذواتک
سرکارده بولنسی لابد اولدیغندن هیئت حاضره نک اولوجهمله
مقتضیات عصره مطابقی شایان تشکر و محمادت مواد دندر

(منیف)